



Aningaasanut Nunanullu Allanut Naalakkersuisoq

Pineqartoq: Naalakkersuisunut ilaasortat pikkorissartinneqartarnissaat ilinniaqqin-nissaminnullu periarfissaat pillugit oqaasertaliussaq. - Suliaq nr. 01.31.06/06-00178

Naalakkersuisut **inassutigaaat**,

- kontumut pingaarnermut 10.10.10-mut, Naalakkersuisut, oqaasertaliussaq ilanngullugu nassiunneqartoq akuersissutigineqassasoq kiisalu
- Naalakkersuisunut ilaasortat, inassuteqaatip qulaani taaneqartup Aningaasaqarnermut Ataatsimiititaliami akuersissutigineqarnissaa naatsorsuutigalugu, pikkorissarnernut ilinniartitaaqqinnernullu aningaasartuutit angalanernut aningaasartuutitut aammalu ilassinninnermut aningaasartuutitut killiliussat namminneq iluanni, kiisalu kontumut pingaarnermut 10.10.10-mut, Naalakkersuisut, oqaasertaliussaq naapertorlugu, akilersinnaagaat.

Aningaasaqarnermut Ataatsimiititaliap oqaaseqaatai

Angalanernut aningaasartuutit aamma ilassinninnermut aningaasartuutit, Naalakkersuisunut ilaasortanit ataasiakkaanit eqquutsinneqartussat iluini aningaasartuutit taama ittunik Naalakkersuisunut ilaasortat ataasiakkaat aningaasartuuteqarsinnaanerannik qinnuteqaat ataatsimiititaliamit paasineqarpoq. Konto pingaarnep 10.10.10-p, Naalakkersuisunut tunngasup pineqartup atorneqarnera eqqarsaatigalugu paasiuminartuussasoq ataatsimiititaliap pingaartippaa. Taamaattumik ataatsimiititaliap inassutigissavaa, siunissami aningaasanut inatsimmi/aningaasanut inatsisissatut siunnersuummi kontop taassuma missingersuutitut oqaasertalerneqarnerani ersarissumik allassimasassasoq, aningaasat qanoq amerlatigisut Naalakkersuisunut ilaasortanut pikkorissartitsinernut ilinniatitseqqinnernullu atorneqartassanersut.

Oqaasertaliussaq taanna Naalakkersuisut kaajallaasitaannut 14. december 2005-imeersumut, kontomit tassanga aningaasat atorneqarnissaannut ersarinnerusumik maligassanik aalajangersaasuusumut ilanngunneqassasoq ataatsimiititaliap aamma Naalakkersuisunut inassutigissavaa.

Aningaasaqarnermut Ataatsimiititaliap aalajangiinera

Tamanna tunngavigalugu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Ellen Christoffersen
Aningaasaqarnermut Ataatsimiititaliap siulittaasua